



Lepitan 1. Sinopsis Satua Ki Balian Batur

SINOPSIS SATUA KI BALIAN BATUR

Kaceritayang dawege nguni ring nusa Bali maurip jadma sane meneng ring wewidangan Alas Celedu Nginyah. Wewidangan punika ngeranjing ring wewidangan Desa Karang Kedangkan (Mangkin sampun mewasta Desa Rangkan). Jadma manusa punika nenten lian wantah mapesengan Ki Balian Batur. Ki Balian Batur inggian silih sinunggil keturunan soroh utawi krama Senggu sane daweg nguni magenah ring wewidangan winkang ranu (mangkin kakocap Desa Batur). Ki Balian Batur madue rabi sane mawasta Ni Biang Putu. Pianaknyane kauritang mawasta Luh Wayan Gero, Ni Luh Made Wali, Ni Luh Nyoman Kasub, Ni Luh Ketut Keber, lan Ni Luh Putu Sengkron. Selanturnyane wenten kalih pianaknyane nanging sampun padem tatkala kari alit.

Kaceritayang ne mangkin kawentenan Dados manadi Balian, Ki Balian Batur banget nelebin kaweruhan pangwiwa lan panengen. Aji pangwiwa inggih punika kawisesan saking kiwa utawi Ilmu hitam. Lian punika Aji panengen inggih punika ilmu tengen utawi aliran Putih. Ilmu pengiwa sane kadruenang banget mawisesa saking panugrahan Ida Bhatari Batur. Ilmu penengennyanne pinaka ilmu panegteg saking ilmu pengiwanyane.

Kacrita silih sinunggil pianak Ki Balian Batur sane mawasta Ni Luh Made Wali, serahina-rahina polih amongan meadolan ajengan. Rikala semengan ipun meratengan sane jagi kaadol katulungin olih memenyane lan semetonnyane. Sausan sami siaga, irika raris Ni Luh Made Wali luas maadolan. Ni Luh Made Wali banget becik meadolan, krana Ni Luh Made Wali jegeg, pengawak langsing

lanjar, pemulu nyandat gading, lan pipi sujanan kiwa tengen. Kenyem mikatin, bebaosan sane alus, lan dueg masawitra ngawinang Ni Made Luh Wali Banget kasenengin olih truna trunane. Serahina-rahina Ni Made Luh Wali maadolan di tongos sane rame sekadi ring peken, genah meyadnya utawi ring tajenne. Rikala Ni Made Luh Wali Maadolan, setate ia mepayas lan mapusung konjer kasuntingang bunga jepun, ring karnanyane masubeng alit, ngawinang Ni Made Luh Wali Ngelangenin manah dados bajang Desa. Genahnyane maadolan setate rame kajejagin olih ikrama pacang matumbasan.

Ni Luh Made Wali sing demen pesan ningalin paripolah i gundul punika, nanging ipun tetep ngoyong lan tetep ngelangin. Ipun nenten banget ngenehang i gundul sane ngeredek lan ten metumbasan. Tan kacrita ne mangkin merasa rayuannyane nenten karunguang olih Ni Luh Made Wali, irika lantasi igundul merasa nek ring hatine. I Gundul sane mangkin sampun kauningin wastanyane mewasta I Pondal. Indik dot mesuang rase gedegnyane I Pondal goar goar sambilange ngutah uek uek I Pondal ngomong di aepan anak anak sami Ni Luh Made Wali ngadep be jelema, sami sane keadol saking ulam jelema. I Ponda masi maosang rerama lan kaluarga Ni Luh Made Wali sami bise ngeliak, sakti sakti lan kaloktah. Saking parilaksana punika sami bebotoh irika dados ngugu munyine I Pondal. Sang sane meumbasan itunine rame, mangkin sami bangun lan ngutah ngutah krana kabaosang sampun ngajeng ulam jelema. Krama bebotoh sareng sang sane meadolan lianan sane wenten irika sami nampekin mangdene nguningin nabi sane wenten irika. I Gundul sambilange ngae ngae ngutah, goar goar mejalan srandang srendeng lan ilang ten wenten nguningin kije luasnyane I Gundul.

Krama sane saking ibusan metumbasan, sami pade ngutang tekor ajengannyane ngutah ngutah sambilange ngopak, ngasorang, mastu lan sami ten mayah.

Rikala punika, wenten ring krama rame punika medalem Ni Luh Made Wali sane pedidi katuduh, anak punika ampun lingsir, mendep mendep Munyine halus pisan, saking irika ngenahang anak punika wicaksana. Anak punika nampekin Ni Luh Made Wali sambilan ngeraos Ni Luh Made Wali metangi yening patut sekadi ne baosang Ni Luh Made Wali, ten perlu sebet lan ngeling. Ida Sang Hyang Widhi nguningin sami. Depang sampun hukum karmaphalane sane ngicenin karma ring sane pelih. Krana hukum karmaphala punika tan prasida labogbogin lan setate adil, amunika baos saking anake lingsir punika lan ngoreen Ni Luh Made Wali mangdene mewali kajeronyane. Kaoreen mangdane Ni Luh Made Wali nenten meadolam dumun krana sami krama ngugu pisuna sane kagae olih I Gundul. Ni Luh Made Wali nuutin baos saking ank punika lan gegosan pacang mulih ninggalin desa Cau. Ri sapeninggal Ni Luh Made Wali saking Desa Cau, krama sami irika kari rame maosang indik kawentenan punika. Krana tajen rikala punika kari rame lan carita punika sampun akeh nguningin saking cangkem ke cangkem lan sampun nyantos plosok Desa.

Kacritayang mangkin, rauh Ki Balian Batur sareng I Ketut Lengka sane kari alit. Mekesyab Ki Balian Batur nyingakin kaluarganyane sami mapupul. Raris Ni Biang Putu nyaritayang napi sane nepen pianaknyane Ni Luh Made Wali ituni ring tajenne ring Desa Cau. Ni Biang Putu ngenikaang pisuna sane sampun katrima olih Ni Luh Made Wali sane kaorahang ngadol ulam manusa, lan sami kaluarga kanikaang sakti- sakti lan bise ngeleak.

Ningehang napi sane kanikaang punika. Kacingak angkihan Ki Balian Batur ngedenang, panyingkannyane maubah, sekadi naanan bara api ring manahnyane. Napi sane kanikaang sampun mebor sahananin rah Ki Balian Batur kerasa muncrat ke polo. Inggian rupanyane sane inuni halus, gesit, lan ngelangenin maubah dados panes bara, inguh. Yening ka pertiwimbayang sekadi Sang Hyang Wisnu menadi Sang Hyang Brahma, toya maubah dados geni. Tan mresidayang Ki Balian Batur naanang gedeg basang. Ten mresidayang angganyane sampun lingsir naanang pisuna sane kabuat olih I Gundul punika. Raris Ki Balian Batur mabaosan " ehhe Ni Luh Made Wali pianak Bapa sane tresnenin Bapa. Suudan amonto ling e ilangang yeh matane. Ampunang bes sebetange. Niki sami inggian amongan Bapa, niki wantan inggian kahuripan Bapa ring mercapada, nanging Luh masi sareng keni dosan Bapa. Pisuna lawar jelema nika wantah katuju antuk Bapa. Sami inggih jelek, pisuna wantah katuju antuk Bapa Ki Balian Batur. Jantos ritengahin Dalu. Bapa pacang nedunang sami aji kawisesan same Bapa duenang ring rabi sareng pianak Bapa sami. Krana mangkin galahe kari sanja nu galang, beciknyane sareng sami ngelaksanayang pakarya sekadi serahina. Malih jebos ring petengne iraga baosang malih inggian pikobet niki nanging ingetang ten wenten dados sane nguningin inggian napi sane jagi laksanayang. Asapunika Ki Balian Batur muputang bebaosan ring sanja punika lan sami mewali ring swaginyane.

Sesampun tatkala Ki Balian Batur nedunang Ajinyane kekaluarganyane sami, mangkin Ipun pacang antuk ngawentenang balas dendam pateh sekadi sane kabaosang ring istri sareng pianaknyane dina sane sampun lintang. Ki Balian Batur ngawitin nyiagayang napi manten piranti sane kaangge. Lian punika

mangdane siaga anggasariranyane antuk mebalas dendam ring Desa Cau. Ki Balian Batur jagi ngemedalang sami kawisesan sane kaduenang kasarengin olih sisianyane sami. Sami sampun rumasa siaga mangkin Ki Balian Batur ngantosang Dina ayu kemanten indik punika. Sesampune rauh ring setra, Ki Balian Batur sareng sisianyane ngambil genah ri tengain pemuwunan. Ri wengine ipun nyiagayang napi piranti sane angge ngemargiang Aji pangeleakan lan bhakti ring Ida Betari. Ki Balian Batur masila sana ring tengah anunggal pikayun, nunggalang sahananin Bayu, Sabda, Idep, nunas tuntunan lan panugrahan ring Ida Betari mangdane pengiwa sane ka gelar dados jangkep lan sidhi mandraguna.

Rikala Ikrama Desa Cau sirep ritengahin wengi, rikala punika sisia Ki Balian Batur sane sampun dados leak rauh ka Desa Cau. Sinar geni mailehan ring angkasa. Desa Cau sekadi kaborbor saking angkasa. Rikala punika ikrama Desa Cau sedeng sirep. Raris sepengerauh sekaa leak punika, ikrama rumasa kebus. Sang hyang bayu sane ituninyane tis dados kebus bara sane ngawinang sirepnyane inguh. Alit- alit sane inguh lam kapireng elingan rare ring tengah wengi punika. Kicinge pekraung saling sautin. Inggian suaran goak medingehan wengine punika. Rikala punika sampun rumasa soleh lan rumasa len. Kawewehin suaran dongkang masuryak. Tokek masi uyut saling sautin sekadi ngicenin petanda ring ikrama Desa Cau. Mirengang lan ngerasa soleh punika, Ikrama dados takut lan ten wani pesu. Para sisia Ki Balian Batur sane akehnyane 34 diri lan istri sareng pianaknyane, sami sampun ring Desa Cau. Wengi sane peteng misi sabeh gerimis ngawinang bo pertiwi sane angid, ngawinang para liak demen. Akeh endihan mekacakan ring angkasa mekepung kepungan, ngigel. Bojog bojog, cicing bengil lan bangkal mailehan ring margine ring Desa Cau mecanda mademenan. Leak

kambing , gegendo kebo, gegendu jaran kacingak memargi ngiterin Desa Cau. Celuluk sane angkab-angkab lan mesadah ring angkul-angkul umah ikrama. Ring pempata utawi pertigaan Leak sane marupa bade sedeng mesolah ngebekin margi. Leak kreb kasa megulung gulungan malintang ring margine. Sami leak punika ngemargiang amongannyane sekadi napi sane sampun katitah olih Ki Balian Batur.

Kabencanaan nyane para prajuru Desa lan ikrama sami luas nuju Puri Kawyapura. Becat pesan pemargin nyane, kacritayang mangkin sampun nampek ring becingah Puri Kawyapura. Rikala ring Mengwi sekaa punika nyaksiang kawentenan sane ening sukerti. Joh saking pakeweh, yening kabandingan sareng napi sane wenten ring Desa Cau. Ring Bencingah Puri kacingak sekaa ikrama sane sedeng negak ring sor don bingin sane ageng pesan sane mentik ring Bencingah. Sekadi ngayomin panjak Mengwi saking sinar sangsurya. Bangsingnyane sane nyapuh jagat sekadi ngulurang limanyane antuk nulungin ikrama mengwi sane polih pakeweh. Ipun sekadi biasa sane lanang mareren, sambilange magencil siap. Ring sampingnyanw kacingak akeh siap mekruyuk saling sautin. Irika, wenten dagang wedang, dagang sanganan, dagang ajengan maulam guling nyodog.

Ida Cokorda nguningayang pebesen ring ikrama Desa Cau "Sepengerauh ring dumah, uningayang ring para panjak manira sami. Ening ring kepagehan, jantos, lan setata bakti ring Ida Betara Tri Sakti sane malinggih ring Pura Khayangan Tiga. Setata mejaga-jaga ring wates Desa lan ngidupang bobok angge sesuluh lan angge nunas kaledangan Ida Hyang Brahma. Sadurung punika sampunang lali ngaturang canang ring sanggah soang-soang mangdane para leluhur

iraga prasida ngewantu saking baya puniki. Raris nunas sekikepan sane mapiranti kesuna jangu, benang tri datu, lan pis bolong, kedadosang piranti panolak leak". Asapunika titah lan pebesen Dalem Mengwi ring panjaknyane sane katimpa gering grubug lan selanturnyane ring ikrama sane rauh ka Puri kaicenin mapamit. Nenten kaceritayang pemarginnyane, raris sampun nampek ikrama punika rinyumah nyane, lan raris nguningayang napi sane dados titah Ida Cokorda Sakti Blambangan.

Malih kaceritayang Ida Cokorda Sakti Blambangan ring Puri Kawyapura. Semepamit Krama Desa Cau, Ida Cokorda malinggih peraganne mapikayun ring bale penangkilan. Panyingakannyane nerawang merika meriki, tangannyane kagemelang, lan inguh pisan. Malinggih malih metangi malih malinggih, asapunika Ida Cokorda peragan ring Puri. Kacingak Ida Cokorda nenten prasida naanang Bendu, kroda ring manahnyane saking sane ka karyanang olih Ki Balian Batur. Jeg nangkeb nakutin perai Ida kala punika. Sekadi Macan gading sane pacang nerkam mangsanyane. Ten wenten parekan ring Puri sane bani matur ring Ida. Istrin Ida lan parekan ring Puri sami mendep takut nyingakin Ida Cokorda sane kari Duka. Nenten wenten sane bani nampekin lan nyarengin Ida rikala punika. Wedang sane kaaturan lan ajengan sane lianan ten ka usud. Manah Ida katuju ring sapunapi care ngaoanang Ki Balian Batur sane pinih sakti punika. Rasa angayubagia seneng pesan Ida Cokorda Rikala Gede Bendesa rauh ring Puri, lan raris Ida Cokorda ngenikain antuk nampekin Ida Jagi kaajak Masadu ajeng inggian pikayunan. Sekadi keni damuh semengan Ida Cokorda rikala De Bendesa rauh rikala kaperluang.

Kaceritayang De Bendesa sampun mupulang prajuru lan Ikrama nuenang aji kanuragan utawi aji kawisesan. Ipun sami kapupulang ring puri lan kaucenin piteket ngenenin rencana penyerangan ka Alas Celedu Nginyah ring Desa Karang Kedangkan pacang ngempur Ki Balian Batur ritengahin wengi. Rikalaning tengahing wengi, sampun rauh sami prapatih Mengwi ring wates Desa Karang Kedangkan. Ipun sami ngelarang ajian sane kaduenang lan ngelawan musuh sane sampun nambakin. Serangan punika katambakin olih sisia Ki Balian Batur, ngawinang ngawentenang siat peteng sane ageng pesan. Edihan gni mekeber mailehan. Sinar saking endihan punika akeh rupanyane ring amgkasa sane saling ngelebit, kepung kepungan, lan saling mebenturan. Langit Karang Kedangkan rikala punika sekadi ulungin bintang saking ambara sane akeh. Patut sakti sakti sami digdaya ipun sami. Nente lami pisan siat peteng punika, serangan saking prapatih mengwi prasida kekalaang olih aji kawisesan sane kaduenang olih para sisia Ki Balian Batur. Prapatih Mengwi glebag glebug melaib ningalin genah pesiatan punika. Ipun sami mautsaha nyelamatang dewek. Sausan kadeseh olih pasukan leak Celedu Nginyah ring Karang Kedangkan, para prapatih Mengwi nyutetang antuk mewali ka Mengwi, rikala rauh raris matur ring Ida Cokorda Sakti.

Kaceritayang rikala sang surya wau masunar prajurit sampun mapupul ring Bencingah puri miwah sareng bekel masiat sane sampun ka siagayang. Sadurung ipun sampun nunas ica maring merajan soang-soang mangdane ngamolihang kadigjayan. Asapunika Jero Mangku ngaturang pakeling ring merajan puri lan ring pura Kayangan Tiga nunas mangda Ida Betara sueca

ngicenin kadigjayan ring pasukan Mengwi. Inggian De Bendesa, Pan Tangi, miwah Pan Lantur kari nyiagayang pasukannyane.

Rikala dina sampun nyaluk sanja I Kopang lan Ni Luh Keber sampun negak pedaduanan ring sor punyan pandan ri pesisi pasih sane ring kiwa tengennyane akrh mentik katang-katang. Seneng pesan ipun sareng kalih bebaosan ring duur bias selem pasihe, sambilange ngais bias kebus, sekadi penyusane kari metaluh rikala galang bulan. Akeh mentik sekar pudak sane mentik ring pesisi pasih mesuang bo miik ngalup, seiring manahnyane sane kari mabungabunga lan kasmaran, ngakehang ngelangenin manah ipun. Sedeng iteh ipun megonjakan, raris rau anak istri sadah lingsir memargi ring paak ipun sareng kalih. Anak punika makta sok bodag. Anak punkka ngangge kamben lan cerik antuk nekepin nyonyonyane sane gede. Anak punika rauh boknyane megambaan, miwah sok bodag sane ke bakta saru saru medaging rerajahan. Nampak ngenyehin anak punika, krana sorot penyingakanne tajem, cinguhnyane gede, asapunika ring bibihnyane tebel pesan, mewarna barak krana naar base, giginyane mewarna selem sambilanga mesigsig mako.

Nyingakin anak punika, raris I Kopang inget teken deweknyane. Ipun wau inget karu ring genah musuh sane pacang ipun serbu. Ipun ngawit inget Ni Luh Keber wantah pianak Ki Balian Batur. I Kopang ngawitin mealonan lan ngerereh orti saking Ni Luh Keber. Ni Luh Keber sane terpikat manahnyane sareng I Kopang nenten nolak nyaritayang ngenenin indik kawentenan Desa Karang Kedangkan, utamanyane ring Alas Celedu Nginyah. Ipun nyeritayang kawentenan ring tengainyane lan ring wengi. Ni Luh Keber nyeritayang seakehan ikrama ring Desa Celedu Nginyah bise ngeleak, lanang, istri wadu alit. Samu maguru ring

Bapanyane Ki Balian Batur. Nenten wenten bani ngelawan utawi nantang Ki Balian Batur. Ni Luh Keber nyaritayang sami kawisesan sane kaduenang olih Ki Balian Batur lan sami kewagedan lan pekakas sane kaduenang sane kagunayang olih para sisia Ki Balian Batur. Sami orti ngenenin sane kaperluang sampun kapolihang oleh I Kopang sane dueg mancing bebaosan. Rikala punika I Kaping nu masi seleg di tengah pasihe lan apisan ngerereh orti ring juru pencar irika.

Sane mangkin Kaceritayang Ki Balian Batur kairing oleh sami para sisianyane ngelaksanayang panucian angga lan ngaturang sembah bhakti ring Ida Betari ngulungsur kawisesan. Sami ngulengang pikayun lan nunggalan Bayu, Sabda, Idep, lan nyembah bhakti ring Ida Betari mapiranti antuk sekar manca warna miwah asep menyan majegau sane asepanyane ke ambara sekadi nguningang pikayun Ki Balian Batur ring Ida Betari. Sami pekakas lan piranti pangeleakan katedunang saking genahnyane sane pingit lan soang+ soang ngangge. Ring arep ipun kagelar tetandingan jangkep. Ki Balian Batur lantas ngawitin ngidemang penyingakan lan ngulengang pikayun. Ki balian Batur ngelarang japa Mantra ngelungsur panugrahan kawisesan sane sidhi ring Ida Hyang Betari, mangdane prasida ngaonang balayudha Mengwi. Riwusan punila Ni Biang Putu dados Rangda lan Ki Balian Batur dados Garuda Mas jagi masiat ngelawan Ki Bendesa lan balayudha sami.

Rikala Ki Balian Batur minehang indik punika. Ki Balian Batur malih inget teken pisuna sane nimpa pianak lan kaluarganyane, mawinan malih ngawi manahnyane kebus. Bebaosan ring manahnyane raris Ki Balian Batur mebaos saking angkasane " eehhh cai Bendesa, kai je ngorainn, cai sing lakar ngidaang ngalaang kai, kai wantah prasida kakaonang ngangge senjata pusaka sane wenten

ring puri Semarapura. Senjata punika mawasta Ki Narantaka Ki Selisik. Wantah pusaka punika kemanten sane prasida ngepet urip kai. Selian punika, samu usaha sane cai laksanayang pocol".

Asapunki baos Ki Balian Batur saking ambarane sane nenten jengat malih, nanging kari kapireng olih sami pasikian Mengwi sane ring sor. Ki Balian Batur bani nguningayang punika saking manahnyane ten pacang meneng Dewa Agung sane nyeneng ring Semarapura ngicenin senjata punika ring Pasikian Mengwi. Krana Ki Balian Batur nguningin antara Mengwi lan Semarapura kari wenten pikobet, indik kawentenan ring puri Gelgel imaluan. Asapunika Ki Balian Batur nimbang sami punika, ngawinang bani sesumbar, ipun nguningayang sami sane ngerayang ipun kaon.

Sausan Ki Balian Batur maosang indike punika, tan kerasa pasiatan sampun nyantos semeng. Siap sampun ngawitin mekruyukan, lan kedis-kedise sampun nguci. Malih jebos jagat pacang terang. Raris sami ngusanang siat peteng lan sami mewali ka genah soang-soang. Ki Balian Batur mewali ka jeronyane lan nyuti rupa mali dados manusa. Asapunika taler sareng De Bendesa lan sami balayudha Mengwi mewali ka pondok pasikian ring Alas Timbul. Tan kacrita pemarginyane, mangkin sampun ipun sami rauh ring pondok pasikian Mengwi. De Bendesa kasarengin balayudha makesyab nyingakin Ida Cokorda sampun wenten irika. De Bendesa raris ngaturang Sembah. Titiang sampun nguncarang sami Ajian sakti sane titiang duenang, nanging samu durung prasida ngusud napi malih ngaonang Ki Balian Batur sane sakti punika. Yukti sakti Ki Balian Batur. Ia Prasida nyuti rupa dados Garuda Mas mekeber ke ambarane lan mengkeb irika. Titiang katelasan daya miwah usaha antuk ngaonang. Lan sane dados manah

titiang inggian sesumbar sane karaosang wengine iwau. Ia maosang raganyane tan prasida kakasorang olih siu senjata sakti saking Mengwi. Asapunika kesaktian ten punah ngagge akropak mantra sakti. Ki Balian Batur maosang ia prasida kakasorang ngangge pusaka sane wenten ring puri Semarapura. Senjata punika mawasta Ki Narantaka Ki Selisik". Asapunika De Bendesa matur kawentenanipun.

Mirengang atur punika, kerase sesek tangkah Ida Cokorda. Ida Cokorda meneng, ten prasida mabaos napi-napi. Wenten sane baat lan berkecamuk ring manah Ida. De Bendesa raris matur " singgih paduka ratu, yening titiang dados mepenampen beciknyane Iratu nunas pusaka punika ka puri Semarapura, nunas ring Ida Dewa Agung mangdane Ida ledang. Wantah nike sane prasida kalaksanayang antuk nyelamatang Ikrama lan Puri Mengwi saking Ki Balian Batur. Yening ten, Ki Balian Batur pacang metingkah sekayunnya antuk nguugang Ikrama lan Puri Mengwi.

Kaceritayang kabenjangananyane Ida Cokorda Sakti Balambangan memargi ka Semarapura manunggang Jaran. Kairing olih I Kopang lan I Kaping lan parekin sane lianan. Pemargi Ida gelis pisan nuju nganginang, ngaliwatin margi setapak, carik, lan ngaliwatin tukad, alas, ngaliwatin Desa-deso menekin bukit lan nuunin pangkung. Pasikian Ida Cokorda mareren ring Bale subak sane wenten ring tengahin carik. Rikala punika rame Ikrama ring carik rikala punika galah mupu. Sepengerauh titiang ka Semarapura inggian jagi nunas mangdane Ida Dewa Agung ngicenin senjata pusaka sane titiang baosang. Yening nenten, pacang ngantosang galah manten panjak Mengwi pacang Telas, lan puri Mengwi benyah, olih Ki Balian Batur. Inggian punika titiang nunas mangdane pengadeg

tata iriki ring Semarapura ngayunin" asapunika atur saking Ida Cokorda Sakti Blambangan ring Ida Dewa Agung Semarapura. Ida Dewa Agung Semarapura meneng mirengang napi sane kabaos olih Ida Cokorda Mengwi. Inguh lan bimbang nampak ring manah Ida. Ten wenten pisaur utawi pamicutet sane medal saking manah Ida.

Ida Cokorda Mengwi malih nguningayang ring Ida Dewa Agung Semarapura " ampura Ratu Dewa Agung tedung jagat iriki ring Semarapura, yening Ki Balian Batur prasida kakasorang ngangge pusaka punika, titiang saking Kawyapura pacang Bhakti ring Dewa Agung Semarapura. Nenten pacang wenten Bani nentang Ida Dewa Agung". Asapunika atur saking Ida Cokorda Mengwi sane banget ngayuaktiang. Nanging Ida Dewa Agung Semarapura kari meneng. Akeh sane dados tetimbang Ida. Sami kari dados pitaken ring manah Ida. Nyingakin sepemeneng sakinc Ida Dewa Agung, raris Ida Cokorda Mengwi malih matur " wenten malih sane jagi titiang uningayang ring ajeng Dewa Agung. Yening Ki Balian Batur prasida kakasorang ngangge senjata punika, wewidangan kuasa Mengwi sane ring pesisir kangin tukad ayung lan pesisir kauh tukad pakerisan pacang kaserahang ring Semarapura kadadosang Daksina.

Saking baos Ida Cokorda Sakti Blambangan Punika, ngawinang Ida Dewa Agung dados ngemanahin banget pesan lan akeh tetimbang. Kayuaktiannyane Ida Dewa Agung nenten ngayunin wewidangan, nanging Ida ngarepang mangda Ida Cokorda Mengwi yukti-yukti bhakti ring Dewa Agung Semarapura mangdane nenten wenten pinah jagi nyerang Semarapura. Rikala punika, Ida Dewa Agung meneng ajebos. Ida Dewa Agung ngayuaktiang manas Ida ring Baos Ida Cokorda Mengwi.

Raris Ida Dewa Agung Semarapura mabaos, " inggih Ida Cokorda, semeton titiang saking Mengwi, yening yukti sekadi napi sane kabaosang, titiang kayun ngicenin senjata pusaka sane kabaosang. Nanging mangda saje sayuakti napi sane Ida Cokorda baosang saking nekeng twas. Mangda sayuakti Mengwi bhakti ring Semarapura sekadi napi sane kebaos. Dumogi Ida Sang Hyang Embang pinaka saksi sami niki". Sausan mabaos asapunika, raris Ida Dewa Agung nitahang mangdane Ida Dewa Anom sirikan rauh ring kakanda ring puri. Ida Dewa Anom katitah nyarengin senjata pusaka Ki Narantaka Ki Selisik, miwah ngewantu Ida Cokorda Mengwi ngasorang Ki Balian Batur. Ida Dewa Anom rauh lan ngiringang titah I Dewa Agung.

Ida Dewa Agung raris ngicenin senjata pusaka punika ring Ida Dewa Anom Sirikan antuk kebakta ka Celedu Nginyah ring Karang Kedangkan. Ida Dewa Agung ngicenin panugrahan, mangdane prasida digjaya. Ida Dewa Agung mabesen ring Ida Cokorda Mengwi mangdane setate nyarengin Ida Anom Sirikan krana kari wimuda. Pebesen punika kaemban yakti-yakti olih Ida Cokorda Mengwi. Nenten kaceritayang pemargi, Ida Cokorda sampun rauh ring pesisi kelod Desa Kuramas. Irika mareren ajebos rikala jagi ka Celedu Nginyah. Ri lian balayudha sane ring Alas Timbul katitah memargi sarengan nuju Celedu Nginyah. Sami balayudha ngeranjing ring pasraman Ki Balian Batur, Umah Ki Balian Batur kakepung saking kaja kangin kauh kelod.

Mirengang baos saking Garuda saking ambara De Bendesa, Ida Cokorda, lan Ida Dewa Anom Sirikan dados duka. Raris Ida Cokorda nitah Ida Dewa Anom antuk midik senjata punika ring Garuda Mas Ki Balian Batur. Nanging rikala punika, Ida Dewa Anom Sirikan dados bingung krana musuh sane jagi katembak

nenten kacingak. Wantah suara manten sane kapireng kawewehin antuk kilap lan guntur gumuruh ring ambarane nadosang meweh antuk nembak sang Garuda Ki Balian Batur. Mirengang lan nyingakin ejekan nike sareng kalih, nyawinang Ki Balian Batur menek rah lan raris medal saking pamengkeban. Sang Garuda Ki Balian Batur gelis kilat mekeber lan nyambar nike sareng kalih. I Kopang lan I Kaping prejani jejh lan melaib panti entung nganti jungklang jungkling ring celabahe. Rikala sang Garuda nyambar punika maka kalih, rikala punika Ida Dewan Anom Sirikan ngarahang senjatanya lan raris nembak sang Garuda. Sang Garuda nyuti rupa saking Ki Balian Batur punika keni bedil punika lan ulung ke pertiwi. Raris mewali dados Ki Balian Batur. Ki Balian Batur sane mawisesa tanpa daya lan kesakitan senjata pusaka Ki Narantaka Ki Selisik. Sami balayudha raris nampekin Ki Balian Batur sane tanmedaya. Tan kacuali De Bendesa, Pan Lantur, Pan Tangi, Ida Cokorda Sakti, Ida Dewa Anom, lan sami balayudha.

Kacerita rikala kawentenan tanpa daya, Ki Balian Batur maosang, baos panguntatnyane "ehh Ida Cokorda Sakti saking Mengwi lan Ida Dewa Anom saking Semarang sane sami pinaka sesuhunan titiang. Sampun usan amongan titiang nyantos iriki, sekadi napi sane katitah Olih Ida Betari Dhanu Batur. Mangkin Kawyapura lan Semarang sampun masikian malih. Pesis kauh lan kangin sampun matemu lan masilian mangkin. Sugra ida sesuhunan titiang sami pinaka tunggal, sampun lami wenten pikobet mangkin sampun masikian malih. Ida sesuhunan titiang, sami sane laksanayang titiang wantah titah saking Ida Betari Dewi Dhanu ring Batur, antuk nyikiang pasemetonan Dalem sesuhunan titiang".

Lepitan 2. Pikolih Kartu Data

Kartu Data	
Nomer data	1
Murda Satua	Ki Balian Batur
Kaca	1-3
Tatwa	Tatwadyatmika (tentang Tuhan)
Budaya	Budaya <i>Material</i>
Punggelan lengkara ring satua	<p>1. Tatwa : Swadharmaning Mayadnya</p> <p>Punggelan : Rikala kari magenah ring winkang ranu, Ki Balian Batur banget subhakti ngemargiang swadharmaning Tatwa, setate ngelaksanayang sembah bhakti ring Ida Bhatara. Ki Balian Batur setate ngemargiang dewasraya lan yadnya ring Ida Sang Hyang Kawi, Nike ngawinang Hyang Bhatari Dewi Danhu rumasa sih lan ledang ring bhakti Ki Balian Batur. Ida Bhatari Dewi Danhu ring Batur ngicenin waranugraha kesidhian utawi kawisesan pengiwa sane pinih ageng ring Ki Balian Batur.</p> <p>2. Budaya Material: Tiuk, Arit, Blakas, Tambah, Keris Lan Sane Lianan</p> <p>“Ring para istri istrinyane ring Desa Cau wenten sane mekarya dados dagang, meadolan jaja, ajengan, wedang, lan</p>

	wenten sane menenun kain antuk angge peragan. Wenten sane anak pande mekarya tiuk, arit, blakas, tambah, keris lan sane lianan. Wenten sane madue galah sane lanang- lanang magecel siap lan sane istri makutu.”
--	--

Lepitan sejangkepnyane wenten ring : <https://linktr.ee/skripsirudiastrawan>



Lepitan 3. Pikolih Tatwa Ring Satua Ki Balian Batur Olih Kanduk Supatra

NO	SOROH TATWA	PUNGGELAN SATUA	KACA	RERAWATAN
1	Tatwadyatmika (tentang Tuhan)	Rikala kari magenah ring winkang ranu, Ki Balian Batur banget subhakti ngemargiang swadharmaning Tatwa, setate ngelaksanayang sembah bhakti ring Ida Bhatara. Ki Balian Batur setate ngemargiang dewasraya lan yadnya ring Ida Sang Hyang Kawi, Nike ngawinang Hyang Bhatari Dewi Danhu rumasa sih lan ledang ring bhakti Ki Balian Batur. Ida Bhatari Dewi Danhu ring Batur ngicenin waranugraha kesidhian utawi kawisesan pengiwa sane	1	Rerawatan tatwa kagambarang marupa laksana subhakti Ki Balian Batur ngemargiang swadharma ring Ida Bhatara antuk upacara Dewasraya.

		pinih ageng ring Ki Balian Batur.		
2	Tatwajnana (hakekat hidup)	Ki Balian Batur madue rabi sane mawasta Ni Biang Putu. Pianaknyane kauritang mawasta Luh Wayan Gero, Ni Luh Made Wali, Ni Luh Nyoman Kasub, Ni Luh Ketut Keber, lan Ni Luh Putu Sengkrong. Selanturnyane wenten kalih pianaknyane nanging sampun padem tatkala kari alit.	2-3	Rerawatan tatwa kagambarang marupa silsilah saking turunan kulawarga Ki Balian Batur, miwah ngawetuang pamargin kahuripan Ki Balian Batur kapungkuran.
3	Tatwamrta (dasar	Inggian asapunika kacrita Ki Balian Batur	2	Rerawatan Tatwa iriki

	kehidupan)	<p>tatkala kari magenah ring wewidangan Wintang Ranu utawi desa Batur.</p> <p>Saking galah punika Ki balian Batur dados manusa sane sidhi pisan, nanging ipun setate ngemargiang kahuripan serahina rahina. Nenten wenten sane maubah, lan nenten wenten sane asri saking kahuripannyane.</p>		<p>kagambarang marupa wit kahuripan Ki Balian Batur sane ngawitin pamarginnyane duk magenah ring wewidangan Wintang Ranu setate ngamargiang swadharma saharina antuk kasidhian ipun.</p>
4	Tatwapadesaagama (ajaran kenyataan dan Tatwa)	<p>Rikala sang surya masunar ipun sami sampun metangi lan ngawitin sami pekaryan serahina rahina. Wenten sane mebersih, wenten sane meratengan, wenten sane jagi meadolan.</p>	3	<p>Tatwa iriki nyihnayang kawentenan parilaksana sarahina indik geginan sane yakti-yakni kagambarang</p>

		Saking irika macihna kaluarga Ki Balian Batur Banget Bagia tur sukerti.		marupa tatwa swadharna maurip inggian mareratengan, maadolan, mangda sida antuk nemu karahayuan.
--	--	---	--	---

Lepitan sejangkepnyane wenten ring : <https://linktr.ee/skripsirudiastrawan>



Lepihan 4. Praya Katur

PRAYA KATUR

Om Swastyastu,

Rumasa angayu bagia titiang ring Ida Sang Hyang Parama Kawi, Ida Sang Hyang Widhi Wasa antuk asung kerta miwah paswecan Ida, titiang prasida muputang skripsi puniki sane mamurda “Rerawatan Sosiokultural Dresta Miwah Tatwa Krama Batur ring Satua Ki Balian Batur olih Kanduk Supatra lan Paiketannyane sareng Desa Batur”. Skripsi puniki wantah pamargi ngrereh gelar sarjana Pendidikan Bahasa Bali ring Program Studi Pendidikan Bahasa Bali saking Fakultas Bahasa dan Seni, Universitas Pendidikan Ganesha.

Kapertama, titiang ngaturang dahating suksma majeng ring samian Bapak miwah Ibu dosen ring Program Studi Pendidikan Bahasa Bali, Undiksha antuk kaweruhan miwah tuntunan sane sampun kapiayang majeng ring sikian titiang. Suksma taler aturang titiang majeng ring guru rupaka titiang, sane ngicenin titiang sesuluh idup titiang.

Kaping kalih, suksma majeng ring semeton titiang “Watugangga”, sane sampun ngicenin titiang motivasi, miwah sampun ngicen semangat ring perkuliahan puniki. Pamekas majeng ring samian semeton sane nenten prasida titiang carca siki-siki sane sampun ngicen pitutur, wewehan, miwah ngwantu ri kala titiang ngamargiang perkuliahan puniki.

Om Shantih, Shantih, Shantih, Om.

Lepitan 5. Punggelan Pupuh

Punggelan Pupuh

Yadin Ririh,



Enu Liu Pelajahan.

SALAMPAH LAKU



Titiang mapasengan I Putu Rudi Astrawan embas ring Batur Selatan, 08 Februari 2001. Panilik dados oka kapertama saking Bapak, I Kadek Sueta miwah Ibu, Ni Wayan Nelo Wati. Panilik madue siki semeton I Kadek Ari Jaya. Panilik meneng ring Br. Kerta Budi, Batur Selatan, Kintamani.

Panilik ngranjing ngawit saking SDN 3 Batur, nglanturang ring jenjang menengah ring SMPN 1 Kintamani, ngraris ngranjing ke Jenjang SMA ring SMA Laboratorium Undiksha Singaraja. Sane mangkin panilik ngruruh ilmu ring perguruan tinggi ngambil jurusan S1 Pendidikan Bahasa Bali ring Jurusan Bahasa Sastra Indonesia dan Daerah, Fakultas Bahasa dan Seni, Universitas Pendidikan Ganesha.

